



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1678

Examen judiciale Francisci Veneti asseclæ Massilij de Padua.

urn:nbn:de:hbz:466:1-14688

*Examen iudiciale Francisci Veneti asseclæ
Massilij de Padua.*

ANNO à nativitate Domini MCCCXXVIII.
die xx. mensis Maii. Cùm ad audientiam
Sanctissimi Patris & Domini nostri Domini Io-
hannis divina providentia Papæ xxii. pervenis-
set quòd Franciscus filius dictus Dominæ Iohan-
næ de Contrata sanctæ Mariæ matris Domini
de Venetiis Castellanensis diocesis hætenus fuis-
set in servitio perfidi hominis Massilii de Maynar-
dino de Padua, & cum eodem Massilio moram
traxisset diutiùs in civitate Parisiensi & alibi,
eundem Massilium associando, coadjuvando, &
dirigendo in diversis & enormibus actibus & ex-
cessibus multiplicibus commissis per Massilium su-
pradictum.

Item quòd eidem Massilio & Iohanni de Iandu-
no perfidis in componendo seu compilando quen-
dam libellum continentem errores varios & diver-
sos ac multiplices contra præfatum Dominum no-
strum Summum Pontificem sanctamque Romanam
Ecclesiam & fidem catholicam ipse Franciscus &
plures alii, ipso sciente & consentiente & ratum
habente, serviverant, consuluerant, & faverant in
civitate Parisiensi prædicta.

Item quòd ipse Franciscus dictum Massilium as-
sociasset, & eidem Massilio & Iohanni de Iandu-
no astitisset in publicatione quam fecisse diceban-
tur de libello & erroribus supradictis in civitate
& extra civitatem Parisiensem prædictam.

Item quòd in prædictis & circa prædicta & in
multis aliis & diversis excessibus per dictos Mas-

I.

II.

III.

IV.

filium & Iohannem de Ianduno enormiter perpetratis, præsertim in transcribendo libellum prædictum, & de eodem libello copiam aliis pluribus faciendo, dederat eisdem auxilium, consilium, & favorem.

v. Item quòd in recessu dicti Massilii, quando de civitate Parisiensi dicitur ad Ludovicum de Bavaria accessisse in Alamanniam, associavit eundem Massilium, & sibi libros portavit & alia, & specialiter libellum continentem errores suprascriptos.

vii. Item quòd de præmissis & multis aliis delictis & excessibus ipse Franciscus erat & fuerat principaliter culpabilis, & etiam adhæserat Massilio & Iohanni de Ianduno prædictis ac multis aliis complicibus eorundem, & in compositione & compilatione libelli & errorum prædictorum & publicatione eorum dederat eis auxilium, consilium, & favorem.

viii. Item quòd multas litteras scripserat & miserat dicto Massilio in Alamanniam, & ab eodem Massilio plures litteras receperat in civitate Parisiensi prædicta & in Romana curia & aliis locis diversis eidem favendo, & etiam sibi pecuniam mutuavit, & multos sciebat homines qui dicto Massilio pecuniam mutuando & aliàs eidem & dicto Ianduno & complicibus suis & eisdem adhærentibus in præmissis dederant auxilium, consilium, & favorem.

viii. Vnde cum præmissa non debeant impunita continentibus oculis pertransire, dicto Francisco in præsentia venerabilis patris Domini Gasberti Dei gratia Arelatensis Archiepiscopi memorati Domini nostri Papæ Camerarii apud Avinionem infra palatium ejusdem Domini nostri personaliter constituto, processit dictus Dominus Camerarius virtute commissionis sibi factæ, ut dixit, per præfatum

Dominum nostrum Papam oraculo vivæ vocis ad inquirendum cum dicto Francisco super omnibus supradictis. Super quibus juravit idem Franciscus dicere puram & simplicem veritatem quam sciret inquirere, sicut sequitur.

Primò interrogatus dictus Franciscus per præfatum Dominum Camerarium super contentis in primo articulo, juramento suo prædicto, dixit se nunquam fuisse servitorem dicti Massilii, nec cum eo moram traxisse in eodem hospicio, nisi duntaxat serviendo sibi ut scholaris, parando mensam & dando vinum aliquotiens, & rarò, sicut & nonnulli alii scholares Italici faciebant.

Item super contentis in secundo articulo interrogatus suo juramento, negavit omnia in eo contenta fore vera, dicens quòd si ipse errores hujusmodi scivisset, eos revelasset Domino Episcopo Parisiensi; nec scivit vel audivit aliquos interfuisse compositioni seu compilationi dicti libelli, exceptis dictis Massilio & Iohanne de Ianduno; de quibus audivit dici post recessum dicti Massilii per duos mentes quòd dicti Massilius & Iohannes tantum compilaverunt dictum libellum. Et istud audiverat dici à Magistris legentibus Parisius, & ab aliquibus religiosus heremitis. Et de hoc etiam dixit tunc esse famam publicam Parisius, tempore quo ipse Franciscus erat ibi, post recessum videlicet Massilii supradicti. Quo tempore dicebatur dictum libellum continere multas hæreses & errores contra fidem catholicam. Sed quid in particulari seu speciali contineret libellus prædictus, dixit se nihil scire nec dici audivisse tunc nisi quod suprà asseruit.

Item super contentis in tertio articulo interrogatus juramento suo prædicto, respondit ut proximo, non credens, ut dixit, quòd dicti perfidi vi-

ri fuissent ausi in civitate Parisiensi talia publicare.

Item interrogatus per iuramentum suum super contentis in quarto articulo, negavit contenta in eo penitus vera esse.

Item interrogatus super contentis in quinto articulo, negavit etiam omnia contenta in eo fore vera, asserens se nunquam vidisse, cognovisse, vel aliàs associasse aliquem prædictorum Massilii & Iohannis extra civitatem Parisiensem, tamen aliquoties associavit dictum Massilium, tantummodo videlicet spatiatum, & etiam visitando aliquos infirmantes Parisius, quia idem Massilius sciebat in medicina & interdum practicabat.

Item super contentis in sexto articulo interrogatus, iuramento suo, negavit omnia contenta in eo vera esse.

Item super contentis in septimo articulo interrogatus, dixit se nunquam scripsisse alicui dictorum Massilii & Iohannis nec ab ipsis etiam litteras recepisse vel ab altero eorundem. De pecuniæ mutatione dixit quòd ipse quandoque tradidit dicto Massilio de pecunia sua, non mutuando, sed ut eam sibi custodiret, & inde sibi burfas ministraret, sicut interdum sibi unum vel duos florenos tradebat; & adhuc idem Massilius tenetur dicto Francisco ratione dicti depositi in XIII. solidis Parisiensibus. Item dixit quòd dictus Massilius fingens cautelosè se lecturum Parisius cursum in theologia, recepit pecuniam mutuò à quibusdam amicis suis. Videlicet à Domino Roberto de Bardis studente Parisius recepit nonem florenos auri mutuò. Item à magistro Andrea de Reate Sirurgico recepit decem libras Parisienses. Item à magistro Petro de Florentia Physico decem florenos vel decem libras Parisienses. Item audivit dici quòd Do-

minus Andreas de Florentia magister Regis Franciæ mutuavit dicto Massilio pecuniam, tamen nefcit summam.

Interrogatus si prædicti mutuaverunt dictas pecunias memorato Massilio in recessu suo, videlicet de Parisius in Alamanniam, dixit quòd non credit, sed bene per unum vel duos menses ante recessum prædictum fuit factum dictum mutuum.

Item interrogatus quomodo sciebat prædicta, dixit quòd pro eo quia ea dici audiverat à dictis mutantibus, qui dum sciverunt recessum ipsius Massilii, conquerebantur de ipso, ac eundem publicè de prædictis receptis per eum mutuò pecuniis difamabant.

Examen judiciale fratris Francisci de Esculo ordinis Minorum.

Die Martis sexta mensis Februarij exhibita per fratrem Franciscum.

FRATER Franciscus de Esculo ordinis Minorum constitutus in præsentia Reverendi Patris Domini Sabinensis Episcopi ad respondendum quibusdam articulis infra scriptis per eundem Reverendum Patrem & Dominum Sabinensem Episcopum sibi traditis respondet, præmissa & repetita potestatione per eum aliàs facta, scilicet quòd omnia dicta sua supponit correctioni & determinationi Domini nostri Summi Pontificis & apostolicæ sedis.

An. 1341.

Ad primum articulum, qui noscitur esse talis, quòd dicere & asserere quòd Christus viam perfectionis ostendens, & Apostoli eandem viam per-